

# Styringsgruppa Utviklingsplan HMR HF

Saksframlegg

## ROS – Utviklingsplan HMR

Saksnr	Utvalsnamn	Møtedato
08/2017	Styringsgruppa utviklingsplan HMR	6. februar 2018

### Forslag til vedtak

1. Styringsgruppa tek orienteringa om Risikovurderinga til vitande.
2. Styringsgruppa ber om at risikovurderinga takast med i avgjerdsgrunnlaget for satsingsområda i utviklingsplanen HMR 2019-2022 (2035).

## Saksframlegg

For å sikre at vegval og satsingar i Utviklingsplanen bidrar til ei berekraftig utvikling som understøttar samfunnsoppdraget, vart det lagt opp til ei risikovurdering av Utviklingsplanen i møte 26. januar.

Møtet vart leia av kvalitetssjef Vidar Hagerup og seniorrådgivar Fredrik Møller-Christensen i samarbeid med sekretariat for utviklingsplanarbeidet. Styringsgruppa for utviklingsplanarbeidet utgjorde ekspertgruppa. For å sikre det kommunale perspektivet, blei fire kommunale representantar oppnemnde som medlemmar av styringsgruppa medio januar 2018.

### Risikovurdering:

Med utgangspunkt i kontekstmodellen for Helse Møre og Romsdal er føremålet å ta avgjerd om risikoar som grunnlag for planlegginga<sup>1</sup>.

Jamfør Forskrift om ledelse- og kvalitetsforbedring i helse- og omsorgstjenesten omfattar styring av verksemda korleis aktivitetar planleggast, gjennomførast, evaluerast og korrigerast i samsvar med krav fastsette eller i mehold av helse- og omsorgslovgivinga. Jamfør § 6.d og e i same forskrift, ligg det førande i planlegginga at verksemda skal ha oversikt over område der det er risiko for svikt eller mangel på myndigheitskrav og område der det er behov for vesentleg forbetring av kvaliteten på tenestene og pasient- og brukartryggleik.

Verksemda skal planlegge korleis identifiserte risikoar kan minimaliserast med særleg vekt på risikofaktorar knytt til samhandling internt og eksternt (Helse- og omsorgsdepartementet, 2017).



Som forarbeid for ROS- analysen, vart det gjennomført eit arbeid for å identifisere mulige risikoområde for Utviklingsplanen HMR 2019-2022 (2035). Med utgangspunkt i høyringsutkastet for Utviklingsplanen og høyringsinnspela som har kome, har ein vurdert risikoområde opp mot Helse Møre og Romsdal si evne til å følgje opp forpliktinga som er nedfelt i helse- og omsorgslovgivinga.

<sup>1</sup> Internasjonal standard (ISO 9001:2015) angir krav til at organisasjonen skal forstå sin kontekst og bestemme risikoar som eit grunnlag for planlegginga (Standard Norge, 2015)

# Styringsgruppa Utviklingsplan HMR HF

Det peika seg ut fleire risikoområder som vart lagt fram for ekspertgruppa for vurdering, med spørsmål om desse var dei rette, om det er andre område ein bør peike på som risikoområde og i så fall kva for område.

## Oppsummeringa viser følgjande risikoområder<sup>2</sup>;

- Risiko 1a Helse Møre og Romsdal HF si evne til å sette brukaren i sentrum gjennom samhandling/ heilskap, oppgåve- og ansvarsdeling. (Pasientperspektiv).
- Risiko 1b Uro knytt til interne geografiske/faglege interesser utfordrar Helse Møre og Romsdal HF si evne til å sikre best mogleg pasienttilbod gjennom samhandling/ heilskap, oppgåve- og ansvarsdeling.
- Risiko 1c Helse Møre og Romsdal HF si evne til å sikre best mogleg pasienttilbod gjennom ekstern samhandling/ heilskap, oppgåve- og ansvarsdeling.
- Risiko 2 Nok helsepersonell med rett kompetanse.
- Risiko 3 Helse Møre og Romsdal HF si evne til å prioritere psykisk helsevern og tverrfagleg spesialisert rusbehandling.
- Risiko 4 Helse Møre og Romsdal HF si evne til å ta i bruk teknologi og elektroniske samhandlingsverktøy, herunder Helseplattformen.
- Risiko 5 SNR – Helse Møre og Romsdal HF si evne i prosjektperspektivet til å sikre samarbeid og rekruttering i interimfasen.
- Risiko 6 Helse Møre og Romsdal HF si evne til å sikre intern og ekstern involvering, og forankring.
- Risiko 7 Helse Møre og Romsdal HF si evne til å gjere prioriteringar for å sikre berekraft både til investeringar og drift.
- Risiko 8 Helse Møre og Romsdal HF si evne til å vedlikehalde og utvikle bygningsmessig infrastruktur og utstyr (herunder også MTU).

Vurderingar i høve konsekvens, sannsynlegheit og risikoreduserande tiltak kan lesast i rapporten vedlagt.

---

<sup>2</sup> Det vart i tillegg drøfta og vurdert risikoområde knytt til Helse Møre og Romsdal HF si evne til å sikre beredskap, samfunnstryggleik og tilgjengeleg helsehjelp. Området sin kompleksitet utfordra ekspertgruppa i å ta dei nødvendige vurderingane i møtet. Det vart tatt avgjerd om at området knytt til samfunnstryggleik og beredskap må sikrast skildra i Utviklingsplanen og må få merksemd vidare i høve til gjeldande ansvarsområde for HMR. Det visast til at området også er forankra i eigen delavtale til Samhandlingsavtalen mellom HMR og kommunane (2015:delavtale 11).